

TILSKIPUN RÁÐSINS 92/67/EBE

frá 14. júlí 1992

um breytingu á tilskipun 89/662/EBE um dýraheilbrigðiseftirlit í viðskiptum innan bandalagsins til að stuðla að því að hinum innri markaði verði komið á

RÁÐ EVRÓPUBANDALAGANNA HEFUR,

með hliðsjón af stofnsáttmála Efnahagsbandalags Evrópu, einkum 43. gr.,

með hliðsjón af tillögu framkvæmdastjórnarinnar ⁽¹⁾,með hliðsjón af álitum Evrópuþingsins ⁽²⁾,

og að teknu tilliti til eftirfarandi:

Bandalagið skal samþykkja ráðstafanir sem hafa það að markmiði að koma smám saman á hinum innri markaði á tímabili sem lýkur 31. desember 1992.

Í tilskipun 89/662/EBE ⁽³⁾ er kveðið á um að dýraheilbrigðiseftirlit með tilteknum afurðum úr dýraríkinu skuli lagt niður á innri landamærum bandalagsins.

Síðan tilskipun 89/662/EBE var samþykkt hefur ráðið sett meginreglur um skipulag dýraheilbrigðiseftirlits með afurðum sem fluttar eru inn til bandalagsins frá þriðju löndum. Í þessu sambandi ber að taka tillit til tilskipunar ráðsins 90/675/EBE frá 10. desember 1990 um meginreglur um skipulag dýraheilbrigðiseftirlits með afurðum sem fluttar eru inn til bandalagsins frá þriðju löndum ⁽⁴⁾ og tilskipunar ráðsins 91/496/EBE frá 15. júlí 1991 um setningu meginreglna um fyrirkomulag heilbrigðiseftirlits með dýrum sem eru flutt til bandalagsins frá þriðju löndum og breytingu á tilskipunum 89/662/EBE, 90/425/EBE og 90/675/EBE ⁽⁵⁾.

Samkvæmt þriðju undirgrein 14. gr. tilskipunar 89/662/EBE skal ráðið ákvarða fyrir 31. desember 1991 endanlegt skipulag sem á að gilda um viðskipti með afurðirnar sem eru taldar upp í viðauka B .

Samkvæmt fjórðu undirgrein 21. gr. tilskipunar ráðsins 90/425/EBE frá 26. júní 1990 um eftirlit með dýraheilbrigði og dýrarækt í viðskiptum innan bandalagsins með tiltekin

⁽¹⁾ Stj.útd. EB nr. C 164, 1. 7. 1992, bls. 28.

⁽²⁾ Álitum var skilað 1. júlí 1992 (hefur enn ekki verið birt í Stjórnartíðindum EB).

⁽³⁾ Stj.útd. EB nr. L 395, 30. 12. 1989, bls. 13. Síðast breytt með tilskipun 91/496/EBE (Stj.útd. EB nr. L 268, 24. 9. 1991, bls. 56).

⁽⁴⁾ Stj.útd. EB nr. L 373, 31. 12. 1990, bls. 1. Breytt með tilskipun 91/496/EBE (Stj.útd. EB nr. L 268, 24. 9. 1991, bls. 56).

⁽⁵⁾ Stj.útd. EB nr. L 268, 24. 9. 1991, bls. 56. Breytt með tilskipun 89/628/EBE (Stj.útd. EB nr. L 340, 11. 12. 1991, bls. 17).

dýr á fæti og afurðir til að stuðla að því að hinum innri markaði verði komið á ⁽⁶⁾ skulu dýr og afurðir úr dýraríkinu sem ekki heyra undir þá tilskipun og tilskipun 89/662/EBE falla undir gildissvið þessara tilskipana.

Samkvæmt 21. gr. tilskipunar 89/662/EBE skal ráðið ákvarða það skipulag sem á að taka gildi þegar bráða- birgðaákvæðin í 20. gr. falla úr gildi. Í því sambandi ber að taka tillit til framfara sem orðið hafa í bandalaginu, bæði að því er varðar setningu reglna um afurðir frá þriðju löndum og samhæfingu ráðstafana til að hafa eftirlit með gin- og klaufaveiki og svínapest, eins og fram kemur í tilskipun ráðsins 90/423/EBE frá 26. júní 1990 um breytingu á tilskipun 85/511/EBE um ráðstafanir bandalagsins vegna eftirlits með gin- og klaufaveiki, tilskipun 64/432/EBE um vanda á sviði heilbrigðis dýra sem hefur áhrif á viðskipti innan bandalagsins með nautgripi og svín og tilskipun 72/462/EBE um heilbrigðis- og heilbrigðiseftirlitsvanda við innflutning á nautgripum og svínum og nýju kjöti eða kjötafurðum frá þriðju löndum ⁽⁷⁾ og tilskipun ráðsins 91/685/EBE frá 11. desember 1991 um breytingu á tilskipun 80/217/EBE um ráðstafanir bandalagsins vegna eftirlits með svínapest ⁽⁸⁾.

Í ljósi þeirrar hagstæðu þróunar sem hefur átt sér stað í samhæfingu í dýraheilbrigðismálum ber að fella niður allt dýraheilbrigðiseftirlit á innri landamærum með afurðum úr dýraríkinu frá 1. júlí 1992.

SAMÞYKKT TILSKIPUN ÞESSA:

I. gr.

Tilskipun 89/662/EBE er breytt sem hér segir:

1. Í stað dagsetningarinnar „1. janúar 1993“ í 2. mgr. 6. gr. komi „1. júlí 1992“.
2. Við fyrstu undirgrein 2. mgr. 8. gr. bætist orðin „nema í þeim tilvikum sem um getur í fjórðu undirgrein“.

⁽⁶⁾ Stj.útd. EB nr. L 224, 18. 8. 1990, bls. 29. Breytt með tilskipun 91/628/EBE (Stj.útd. EB nr. L 340, 11. 12. 1991, bls. 17).

⁽⁷⁾ Stj.útd. EB nr. L 224, 18. 8. 1990, bls. 13.

⁽⁸⁾ Stj.útd. EB nr. L 377, 31. 12. 1991, bls. 1.

3. Orðin „og með fyrirvara um áðurnefndan áfrýjunarrétt“ í fjórðu undirgrein 2. mgr. 8. gr. falli niður.
4. Orðin „Fram að 31. desember 1992“ í fyrstu undirgrein 14. gr. falli niður.
5. Í stað annarrar og þriðju undirgreinar 14. gr. komi eftirfarandi undirgrein:
- „Aðildarríkin skulu tilkynna framkvæmdastjórninni og hinum aðildarríkjunum um skilyrði og reglur sem gilda í viðskiptum með afurðirnar sem um getur í fyrstu undirgrein.“

6. Í stað 16. gr. komi eftirfarandi:

„16. gr.

1. Aðildarríkin skulu leggja fyrir framkvæmdastjórnina, samkvæmt samhæfðri fyrirmynd, tilskildar upplýsingar um það eftirlit sem fer fram samkvæmt þessari tilskipun.

2. Framkvæmdastjórninni ber að fjalla um upplýsingarnar sem um getur í 1. mgr. innan fastanefndarinnar um dýraheilbrigði. Henni er heimilt að samþykkja viðeigandi ráðstafanir í samræmi við málsmeðferðina í 18. gr.

3. Nákvæmar reglur um beitingu þessarar greinar, meðal annars um tíðni upplýsingagjafar, fyrirmyndina sem á að nota og upplýsingarnar sem á að veita, skulu samþykktar í samræmi við málsmeðferðina í 18. gr.“

7. Ákvæði 1. mgr. 19. gr. falli niður.

8. Í stað 20. gr. komi eftirfarandi:

„20. gr.

Fram að 31. desember 1992 geta aðildarríkin, til að unnt sé að taka smám saman upp eftirlitskerfið sem mælt er fyrir um í þessari tilskipun, meðan á flutningum stendur:

- sannprófað skjölin vegna afurðanna sem um getur í viðauka A og B eða með afurðum sem eru fluttar inn frá þriðju löndum,
- með sýnatöku og án mismununar viðhaft dýraheilbrigðiseftirlit með afurðunum sem um getur í viðauka B.“

9. Ákvæði 21. gr. falli niður;

10. Við viðauka B bætist eftirfarandi undirgrein:

„Aðrar afurðir úr dýraríkinu sem heyra ekki undir viðauka A við þessa tilskipun, viðauka A eða B hluta viðauka B við tilskipun 90/425/EEC(*); þessar afurðir ber að skilgreina samkvæmt málsmeðferðinni í 18. gr.

(*) Stjttð. EB nr. L 224, 18. 8. 1990, bls. 29. Tilskipuninni var síðast breytt með tilskipun 91/496/EEC (Stjttð. EB nr. L 268, 24. 9. 1991, bls. 56).“

2. gr.

1. Aðildarríkin skulu samþykkja nauðsynleg lög og stjórnsýslufyrirmæli til að fara að tilskipun þessari eigi síðar en 1. júlí 1992. Þau skulu tilkynna það framkvæmdastjórninni þegar í stað.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau verða birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi nær til.

3. gr.

Tilskipun þessari er beint til aðildarríkjanna.

Gjört í Brussel 14. júlí 1992.

Fyrir hönd ráðsins,

J. GUMMER

forseti.